

SAKSPAPIR

Saksnr	Utval	Type	Dato
072/22	Formannskapet	PS	07.09.2022

Saksbehandlar	ArkivsakID
Ingvild Hjelmtveit	22/2269

Industriutvikling Vest - søknad om driftstilskot frå Osterøy kommune

Rådmannen sitt framlegg til vedtak:

Osterøy kommune løyver kr 150 000,- i årleg driftstilskot til Industriutvikling Vest for åra 2023 til og med 2027. Driftstilskotet vert innarbeidd i kommunen sine budsjett og økonomiplanar for perioden.

Formannskapet - 072/22

FS - behandling:

Hjalti H. Gislason, H, gjorde slikt framlegg:

"Osterøy kommune delegerer ansvar for neste programperiode i «Osterøyprosjektet» til Osterøy utvikling og ber selskapet løyva kr 150 000,- i årleg driftstilskot til Industriutvikling Vest for åra 2023 til og med 2027. I arbeidet med budsjett 2023 vil heradsstyret finna ein modell for korleis årlege driftstilskot til Osterøy utvikling AS skal innarbeidast i kommunen sine budsjett og økonomiplanar."

AVRØYSTING:

Hjalti H. Gislason, H, sitt framlegg vart vedteke 5 røyster (1KRF, 2FRP, 1AP, 1H)
mot

Rådmannen sitt framlegg, 4 røyster (2SP,2AP)

FS - vedtak:

Osterøy kommune delegerer ansvar for neste programperiode i «Osterøyprosjektet» til Osterøy utvikling og ber selskapet løyva kr 150 000,- i årleg driftstilskot til Industriutvikling Vest for åra 2023 til og med 2027. I arbeidet med budsjett 2023 vil heradsstyret finna ein modell for korleis årlege driftstilskot til Osterøy utvikling AS skal innarbeidast i kommunen sine budsjett og økonomiplanar.

Saksopplysningar:

Saksopplysningar:

I samband med at Industriutvikling Vest skal søkje SIVA FS om ny programperiode for å drive inkubatorverksemd i vår region, ynskjer dei å knytte seg tettare opp mot Osterøy. I den samanheng søker dei om eit årleg driftstilskot på kr 150.000 i perioden 2023 til 2027.

Bakgrunn

Etter at IUV (industriutvikling Vest) starta opp «Osterøyprosjektet» 1. januar 2020 har Osterøy kommune vore ein viktig samarbeidspartnar for arbeidet med innovasjon og næringsutvikling i kommunen. Satsinga har kome næringslivet til gode og det kan visast til konkrete resultat.

Det er no lyst ut midlar til ny programperiode. SIVA har søknadsfrist 15. september. Utlysing vart kunngjort 15. juni, så fristen er svært kort. Innan 15. september må IUV ha utarbeida ein komplett søknad som også inkluderer finansiering frå eigarar og andre samarbeidspartnarar. IUV reknar med at søknadskonseptet tek form ultimo august.

Vurdering

For Osterøy utvikling AS er det svært viktig at vi kan halde fram samarbeidet med IUV og SIVA. Dei ser på dette som viktige og naudsynte verkemiddel for å hjelpe bedrifter på Osterøy i arbeidet med innovasjon og omstilling.

Osterøy utvikling AS ynskjer å vere bindeleddet og kontaktpunktet mellom kommunen og IUV/SIVA. Dette for å sikre oppfølging av avtalen med SIVA og synergjar med andre prosjekt i regi av Osterøy utvikling AS.

Rådmann vurdere det slik at samarbeidet med IUV og SIVA er eit viktig supplement til den kompetansen Osterøy Utvikling AS allereie har. Saman vil vi gjennom dette kunne tilby god og brei kompetanse til verksemder på Osterøy. Samarbeidet vil styrke Osterøy utvikling AS som kommunen sitt næringsapparat.

Det er viktig at samarbeidet er føreseieleg og stabilt i programperioden, slik at både IUV og Osterøy utvikling AS veit kva dei skal halde seg til. Ein føresetnad for dette er at kommunen går inn med driftstilskot til IUV i programperioden. På det viset synleggjer Osterøy kommune at vi ynskjer dette samarbeidet. Driftsstøtta til IUV må dekkjast frå kommunen sitt budsjett. Osterøy Utvikling AS har ikkje økonomi pr i dag til å finansiere eit slikt årlege tilskot utan at dei har tilsvarande inntekter.

Folkehelse

Nok tilgang på trygge og gode arbeidsplassar er viktig for å sikre gode levevilkår.

Miljø

Både kommunen og private verksemder må endre seg i tråd med nye og aukande miljøkrav. Dette krev innovasjon og nytenking.

Økonomi

Eit konkurransedyktig næringsliv er viktig for ein stabil og god kommuneøkonomi.

Konklusjon

Samarbeidet vi har hatt med IUV og SIVA sidan januar 2020 har vore godt og nyttig både for kommunen og private verksemder i kommunen. Denne type utviklingsarbeid er langsiktig arbeid og det vil vere ei styrkje om vi kan bli del av ein ny programperiode med stønad frå SIVA.